



OPĆINE/OPŠTINE BOSANSKI PETROVAC

Godina: 2024.
Broj:06/24

Datum:
29.03.2024.god

Izdanje na
Bosanskom jeziku

I AKTI OPŠTINSKOG VIJEĆA

II nastavak XXXV REDOVNA

SJEDNICA

Na osnovu člana 12. Zakona o lokalnoj samoupravi Unsko - sanskog kantona ("Službeni glasnik Unsko - sanskog kantona", broj: 8/11) i člana 58. Zakona o prostornom uređenju i građenju ("Službeni glasnik USK", broj: 12/13 i 3/16), člana 25. Statuta Općine/Opštine Bosanski Petrovac ("Službeni glasnik Općine/Opštine Bosanski Petrovac" broj 7/08 prečišćen - tekst), kao i člana 105. Poslovnika o radu Općinskog/Opštinskog vijeća ("Službeni glasnik Općine/Opštine Bosanski Petrovac" broj: 6/23 prečišćen - tekst), Općinsko/Opštinsko vijeće na nastavku XXXV redovne sjednice, održane dana 25.03.2024. godine, donosi:

ZAKLJUČAK

Član 1.

Usvaja se Program uređenja gradskog građevinskog zemljišta, uvažavajući amandman koji je na nastavku XXXV redovne sjednice, u okviru diskusije o „Programu uređenja gradskog građevinskog zemljišta“, iznio zamjenik Predsjedavajućeg gospodin Muhamed Dračić.

Član 2.

Program uređenja gradskog građevinskog zemljišta objaviti u „Službenom glasniku“ Općine/Opštine Bosanski Petrovac.

Član 3.

Ovaj Zaključak stupa na snagu danom donošenja i ima se objaviti u „Službenom glasniku“ Općine/Opštine Bosanski Petrovac.

Predsjedavajući OV
Nemanja Davidović
Broj: 02/1-19-444-4/24
Datum: 25.03.2024. godine

Na osnovu člana 12. Zakona o lokalnoj saomupravi ("Službeni glasnik USK", broj 8/1), člana 58. Zakona o prostornom uređenju i građenju("Službeni glasnik USK", broj 12/13 i 3/16), člana 25. Statuta Općine/opštine Bosanski Petrovac (Sl. glasnik Općine/opštine, broj: 07/08 Općinsko/opštinsko vijeće na svojojXXXV.redovnoj sjednici održanoj dana 25.03.2024.. god. je donijelo:

PROGRAM UREĐENJA GRAĐEVINSKOG ZEMLJIŠTA ZA 2024. GODINU

UVOD - OPŠTI DIO

Uređenje građevinskog zemljišta vrši se na osnovu programa uređenja građevinskog zemljišta, kojim se usklađuje izgradnja građevina i komunalne infrastrukture, detaljnije određuju rokovi za izgradnju komunalne infrastrukture, utvrđuju uslovi priključenja na istu i dr.

Program uređenja građevinskog zemljišta priprema i provodi općinska Služba za prostorno uređenje, katastar, imovinsko pravne poslove.

Uređenje građevinskog zemljišta je vršenje pripremnih radova i radova na izgradnji komunalne infrastrukture kojima se obezbjeđuju uslovi za izgradnju i korištenje građevina i drugih zahvata u prostoru koji su planirani planskim dokumentima.

OBIM USLUGA

Uređenje građevinskog zemljišta obuhvata dvije faze:

a) pripremanje građevinskog zemljišta,

- izradu odgovarajućih planskih dokumenata,
- rješavanje imovinsko - pravnih odnosa i drugih stvarno - pravnih odnosa sa vlasnicima nekretnina,
- geološka i geotehnička ispitivanja zemljišta, seizmološka, hidrološka i druga ispitivanja i geodetska snimanja za pripremanje odgovarajućih podloga potrebnih za izradu planskog dokumenta i projektne dokumentacije,
- izradu projektne dokumentacije za izvođenje radova na

opremanju građevinskog zemljišta,

- uklanjanje postojećih građevina, izmještanje nadzemnih i podzemnih komunalnih i drugih instalacija u skladu sa planskim dokumentom, te odvoženje materijala,
- sanaciju zemljišta u što spada: uklanjanje objekata i zasada, nivelišanje i isušivanje zemljišta, odvođenje površinskih voda, osiguranje klizišta i padina kao i drugi radovi na sanaciji zemljišta,
- izradu dokumentacije i obavljanje radova na zaštiti graditeljskog i prirodnog naslijeđa koji bi mogli biti ugroženi radovima na uređenju građevinskog zemljišta,
- operativnu koordinaciju u pripremanju građevinskog zemljišta,
- sve druge radnje u skladu sa planskim dokumentom, a koje spadaju u pripremanje građevinskog zemljišta,
- izrada programa uređenje građevinskog zemljišta.

b) opremanje građevinskog zemljišta

- izgradnja saobraćajnica uključujući kolovoze, pločnike, pješačke staze, trgove, javna parkirališta, javne garaže i dr.,
- izgradnja pristupa građevinama javnog

karaktera kojim se obezbeđuje nesmetano kretanje osoba sa smanjenim tjelesnim sposobnostima,

- izgradnja građevina i instalacija javne rasvjete, vertikalne saobraćajne signalizacije - semafora,
- uređenje javnih zelenih površina, rekreativnih površina i terena, parkova, igrališta, pješačkih staza, nasada, travnjaka, dječijih igrališta, objekata javne higijene i grobalja,
- izgradnja građevina i uređaja za odvod površinskih i otpadnih voda, te uređaja i postrojenja za njihovo prečišćavanje,
- izgradnja građevina za potrebe snabdijevanja vodom, distribuciju električne, topotne i druge energije, telekomunikacijske objekte i uređaje,
- izgradnja i uređenje sanitarnih deponija komunalnog i drugog otpada i izgradnja građevina za preradu i uništavanje otpada,
- regulacija vodotoka i uređenje obala voda i vodnih površina,
- operativna koordinacija u opremanju građevinskog zemljišta.

Minimum opremanja (uređenja) građevinskog zemljišta se smatra uređeno

gređevinsko zemljište osnovnom infrastrukturom i to:

1. snabdijevanje vodom i odvođenje otpadnih voda,
2. kolski prilaz građevinskoj parceli,
3. snabdijevanje električnom energijom.

Zavisno od nivoa opremljenosti komunalnom infrastrukturom i donesenih programa uređenja gradskog građevinskog zemljišta, gradsko građevinsko zemljište može biti:

1. **uređeno gradsko građevinsko zemljište**, što podrazumijeva gradsko građevinsko zemljište na kome su izvršeni svi radovi pripremanja zemljišta za građenje i opremanje zemljišta planiranim komunalnom infrastrukturom u skladu sa provedbenim prostorno – planskim dokumentima donesenim za određena područja.
2. **uređeno osnovnom komunalnom infrastrukturom**, što podrazumijeva gradsko građevinsko zemljište uređeno i opremljeno komunalnom infrastrukturom i planiranim objektima komunalne infrastrukture u skladu sa prostorno-planskim dokumentima donesenim za određena područja , kojima se osigurava:
 - snabdijevanje vodom i rješenje otpadnih voda,

-kolski prilaz građevinskoj parceli, čiji su gabariti i poprečni profil u skladu sa normativima iz urbanističkog plana za područje u kojem se građevina gradi,
-snabdijevanje električnom energijom.

3. **djelomično uređeno**, što podrazumijeva zemljište koje mora da osigurava najmanje jedan od tri komunalna objekta, odnosno uređaja koji podrazumijevaju osnovnu komunalnu infrastrukturu nabrojanu pod tačkom 2 ovog stava.
4. **neuređeno**, što podrazumijeva zemljište na kojem nije osiguran ni jedan od tri infrastrukturna i komunalna objekta iz tačke 2 ovog stava za čije minimalno uređenje je neophodno osigurati značajnija sredstva zbog udaljenosti već izgrađene komunalne infrasstrukture od zemljišta na kojem se planira izgradnja.

Uređenje građevinskog zemljišta na području opštine će se raditi da se zadovolji minimum uređenja što je gore navedeno.

Uređenje građevinskog zemljišta finansira se sredstvima ostvarenim iz naknada koje propisuje Zakon o građevinskom zemljištu Federacije BiH („Službene novine Federacije BiH“, broj: 67/05), te iz drugih sredstava, koja se iskazuju u budžetu općine.

Sredstva prikupljena na osnovu naknada za uređenje građevinskog zemljišta su namjenska i mogu se koristiti isključivo za izradu planskog dokumenata, uređenje građevinskog zemljišta i zaštitu okoliša.

Naknada za uređenje gradskog građevinskog zemljišta obuhvata stvarne troškove pripremanja i opremanja građevinskog zemljišta kao što je predviđeno prostornim ili urbanističkim planom.

Obim, vrsta, dinamika, izvori finansiranja i predračunski iznosi troškova izvođenja radova na uređenju gradskog građevinskog zemljišta utvrđuju se programima uređenja gradskog građevinskog zemljišta za određena područja ili obuhvate provedbenih prostorno – planskih dokumenata.

Ova sredstva su prihod Općine Bosanski Petrovac i uključena su u Budžet Općine Bosanski Petrovac za 2023. godinu.

Prikupljena sredstva će se koristiti u zavisnosti od priliva i u vrijednosti po Programu radova na uređenju građevinskog zemljišta koji je sastavni dio ovog Programa.

MJERE ZA PROVODJENJE

Realizacija usvojenog programa će biti vršena u skladu sa obezbjeđenim finacijskim sredstvima.

Općinski načelnik je nosilac realizacije Programa.

U realizaciji Programa mogu se po procjeni Općinskog načelnika uključiti druge institucije i ustanove iz oblasti uređenja građevinskog zemljišta.

Općinski načelnik može u cilju realizacije Programa prerasporediti sredstva unutar

Programa radova na uređenju građevinskog zemljišta s tim, da prethodno dobije saglasnost opštinskog Vijeća.

Izmjene i dopune Programa se vrše po principu usvajanja Programa.

Ovaj Program stupa na snagu danom objavljivanja u Službenom Glasniku Općine/Opštine Bosanski Petrovac.

PROGRAM RADOVANA UREĐENJA JUGRAĐEVINSKOG ZEMLJIŠTA ZA 2024. GODINU

	Projekti	Vrsta i obim uređenja		Troškovi			Način usklađivanja a visine sredstava	Rokovi izvođenja radova
		Priprema (P)	Opremanje (O)			Ukupno		

1	Finansiranje troškova zajedničke komunalne potrošnje :			287.850, 00	287.850, 00		Do decembra
	<ul style="list-style-type: none"> • ljetno i zimsko održavanje • javna higijena • uređenje javnih površina • troškovi održavanja električne energije javne rasvjete • izgradnja i održavanje javne rasvjete 						
2	Izrada Prostornog plana općine	- Usvajanje nacrta i Prostornog plana		26. 150,00		26. 950,00	Do decembra
3	Studija izvodljivosti	Izmjena i dopuna urbanističkog plana opštine Bosanski Petrovac za period 2007-2027 godine		10 000,00		10 000 ,00	Do decembra
4	Ostale nepomenute usluge i dadžbine	Eksproprijacija		6.000,00		6.000,00	Do decembra
5	Ostale nepomenute usluge i dadžbine	Pretvorba poljoprivrednog zemljišta u građevinsko		5.000,00		5.000,00	Do decembra
6.	Odplata kredita razvojne banke FBiH			65.000,00		65.000,00	Do decembra

Ukupno: 400.000,00 KM

**Predsjedavajući OV
Nemanja Davidović**

Na osnovu člana 21. Zakona o lokalnoj samoupravi Unsko sanskog kantona („Službeni glasnik Unsko sanskog kantona“ broj: 8/11), člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“ broj: 7/08 prečišćen - tekst), kao i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac“, broj: 6/23 prečišćen - tekst), Općinsko/Opštinsko vijeće na nastavku XXXV redovne sjednice, održane dana 25.03.2024. godine, donosi:

Z A K L J U Č A K

Član 1.

Informacija o stanju sigurnosti na području Općine/Opštine Bosanski Petrovac se prolongira za sljedeću sjednicu Općinskog/Opštinskog vijeća.

Član 2.

Ovaj zaključak stupa na snagu danom donošenja i ima se objaviti u „Službenom glasniku Općine/Opštine Bosanski Petrovac“.

Predsjedavajući OV

Nemanja Davidović

Broj: 02/1-03-439-3/24

Datum: 25.03.2024. godine

Na osnovu člana 21. Zakona o lokalnoj samoupravi Unsko sanskog kantona („Službeni glasnik Unsko sanskog kantona“ broj: 8/11), člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“ broj: 7/08 prečišćen - tekst), kao i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac“, broj: 6/23 prečišćen - tekst), Općinsko/Opštinsko vijeće na

nastavku XXXV redovne sjednice, održane dana 25.03.2024. godine, donosi:

Z A K L J U Č A K

Član 1.

Informacija direktorice JU „Centar za kulturu i obrazovanje“ Bosanski Petrovac se prima k znanju

Član 2.

Općinsko vijeće Općine Bosanski Petrovac iskazuje punu podršku Upravnom odboru i direktorici JU „Centar za kultruru i obrazovanje“ u nastojanju da Pokretno dobro – Zbirka umjetničkih djela i ličnih predmeta Jovana Bjelića, koje je proglašeno nacionalnim spomenikom, treba i dalje da ostane u Spomen muzej Jovan Bjelić u ulici Bosanska br: 111 u Bosanskom Petrovcu, a kako je i utvrđeno Odlukom Komisije za očuvanje nacionalnih spomenika br: 04-02-40/09-1 od 21.01.2009. godine, a objavljenoj u „Službenom glasniku“ BiH broj: 36/09.

Član 3.

Ovaj zaključak stupa na snagu narednog dana od dana objave u „Službenom glasniku Općine/Opštine Bosanski Petrovac“.

Predsjedavajući OV

Nemanja Davidović

Broj: 02/1- 36-508-2/24

Datum: 25.03.2024. godine

Na osnovu člana 21. Zakona o lokalnoj samoupravi („Sl. glasnik Unsko-sanskog kantona“, broj: 8/11), člana 25. Statuta Općine Bosanski Petrovac – prečišćeni tekst („Službeni glasnik Općine Bosanski Petrovac“, broj: 7/08), člana 53. Pravilnika o

radu JU „Centar za socijalni rad „Bosanski Petrovac“ („Službeni glasnik opštine Bosanski Petrovac“, broj: 1/19, 02/21 i 2/23), Općinsko vijeće na _____ redovnoj sjednici, održanoj dana _____. godine, donijelo je:

O D L U K U
**o visini osnovice i boda za obračun plate
uposlenima u JU „Centar za socijalni rad“
Bosanski Petrovac za 2024. godinu**

Član 1.

Ovom Odlukom utvrđuje se visina osnovice i boda za obračun plate uposlenima u JU „Centar za socijalni rad“ Bosanski Petrovac.

Član 2.

Osnovica i bod za obračun plate uposlenim u JU „Centar za socijalni rad“ Bosanski Petrovac utvrđuje u istom iznosu kao za uposlene u Jedinstvenom općinskom organu uprave Općine Bosanski Petrovac i za period od 01.03.2024.-31.05.2024. godine iznose osnovica 385,00 KM i bod 1,00.

Član 3.

Ukoliko se promjeni vrijednost osnovice i boda u Jedinstvenom Općinskom organu uprave Općine Bosanski Petrovac, odnosno ukoliko se potpišu novi sporazumi za obračun plate za 2024. godinu, isti će se primjenjivati i na JU „Centar za socijalni rad“ Bosanski Petrovac.

Član 4.

Za realizaciju ove odluke zadužuje se Direktor Centra, računovodstvo Centra i Služba za finansije, budžet i računovodstvo Općine Bosanski Petrovac.

Član 5.

Ova Odluka stupa na snagu danom donošenja, i ima se objaviti u „Službenom glasniku Općine Bosanski Petrovac“, a primjenjivaće se od 01.03.2024. godine do 31.12.2024. godine.

Predsjedavajući Vijeća

Nemanja Davidović
Broj:02/1-11-545-2/24
Datum:25.03.2024. godine

Na osnovu člana 21. Zakona o lokalnoj samoupravi Unsko samskog kantona („Službeni glasnik Unsko samskog kantona“ broj: 8/11), člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“ broj: 7/08 prečišćen - tekst), kao i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac“ broj: 6/23 prečišćen - tekst), te na osnovu Odluka Upravnog odbora JU „Centar za socijalni rad“ Bosanski Petrovac broj: 02/9-31-53-701/2024 od 12.03.2024. godine i Odluke broj: 02/9-31-53-700/2024 od 12.03.2024. godine Općinsko/Opštinsko vijeće na nastavku XXXV redovne sjednice, održane dana 25.03.2024. godine, donosi:

Z A K L J U Č A K
o davanju saglasnosti na Odluku
**Upravnog odbora JU „Centar za socijalni
rad“ Bosanski Petrovac broj: 02/9-31-53-
700/2024 od 12.03.2024. godine**

Član 1.

Daje se saglasnost na Odluku Upravnog odbora JU „Centar za socijalni rad“ Bosanski Petrovac broj: 02/9-31-53-700/2024 od 12.03.2024. godine o razriješenju dužnosti direktora JU „Centar za socijalni rad“ Bosanski Petrovac.

Član 2.

Ovaj Zaključak stupa na snagu danom donošenja i ima se objaviti u „Službenom glasniku Općine/Opštine Bosanski Petrovac“. Predsjedavajući OV
Nemanja Davidović
Broj: 02/1-30-562-2/24
Datum: 25.03.2024. godine

Na osnovu člana 21. Zakona o lokalnoj samoupravi Unsko sanskog kantona („Službeni glasnik Unsko sanskog kantona“ broj: 8/11), člana 25. Statuta Općine/Opštine Bosanski Petrovac („Službeni glasnik Općine/Opštine Bosanski Petrovac“ broj: 7/08 prečišćen - tekst), kao i člana 105. Poslovnika o radu Općinskog/Opštinskog vijeća („Službeni glasnik Općine/Opštine Bosanski Petrovac“ broj: 6/23 prečišćen - tekst), te na osnovu Odluka Upravnog odbora JU „Centar za socijalni rad“ Bosanski Petrovac broj: 02/9-31-53-701/2024 od 12.03.2024. godine i Odluke broj: 02/9-31-53-700/2024 od 12.03.2024. godine Općinsko/Opštinsko vijeće na nastavku XXXV redovne sjednice, održane dana 25.03.2024. godine, donosi:

Z A K L J U Č A K
o davanju saglasnosti na Odluku
Upravnog odbora JU „Centar za socijalni
rad“ Bosanski Petrovac broj: 02/9-31-53-
701/2024 od 12.03.2024. godine

Član 1.

Daje se saglasnost na Odluku Upravnog odbora JU „Centar za socijalni rad“ Bosanski Petrovac broj: 02/9-31-53-701/2024 od 12.03.2024. godine o imenovanju vršioca dužnosti direktora Javne ustanove „Centar za socijalni rad“ Bosanski Petrovac.

Član 2.

Ovaj Zaključak stupa na snagu danom donošenja i ima se objaviti u „Službenom glasniku Općine/Opštine Bosanski Petrovac“.

Predsjedavajući OV

Nemanja Davidović
Broj: 02/1-30-562-3/24
Datum: 25.03.2024. godine

II AKTI NAČELNIKA

Općinski Načelnik-Općinski štab civilne zaštite

Predmet: Izvještaj o utrošku sredstava posebne naknade za 2023 godinu za potrebe zaštite i spašavanja službe civilne zaštite i vatrogastva,-

Na osnovu Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća(Sl. novine Federacije BiH, broj:04/12) općinska služba civilne zaštite na osnovu navedene odluke i tačke II i XIV navedene odluke podnosi godišnji izvještaj o prikupljenim i utrošenim sredstvima za 2023 godinu (općinskom načelniku i općinskom štabu civilne zaštite)na razmatranje.

Izvještaj o utrošku sredstava sa posebnog računa za 2023 godinu kako slijedi:

< 12.329,00KM sa posebnog računa je uplaćeno za kupovinu terenskog motornog vozila(Toyota) sa

tovarnim prostorom putem financijskog lizinga za potrebe opremanja općinskog štaba civilne

zaštite i financijski lizing završava u 2024 godini.

< 85.644,00KM pod stavkom opremanje struktura civilne zaštite gdje smo dobili od KUCZ

sredstva u visini od 70.000,00KM, a 15.000,00KM sa posebnog računa civilne zaštite-sredstva

posebne namjene i 644,00KM sa budžeta općine za nabavku radne mašine minibagera za potrebe

službe za asanaciju terena i vodo snabdijevanje formirane pri Komunalnom d.o.o. Bosanski

Petrovac (sredstva su opravdana).
<19.000,00KM u svrhu saniranja krova zgrade socijalnog stanovanja u općini Bosanski Petrovac s tim da će se dio sredstava u visini procijenjene štete vratiti na račun sredstava posebne namjene.
Ukupno u 2023 godini sa posebnog računa je isplaćeno 46.329,00KM.

<63.800,00KM će se koristiti u svrhu financiranja otklanjanja posledica prirodne nesreće-olujni vjetar od čega je 55.000,00KM od KUCZ, a 8.800,00KM sa posebnog računa civilne zaštite koji

će se realizovati u 2024 godini i opravdati prema KUCZ.

<Odluka broj: 05-40-1485-23/23 od 31.07.2023 godine u visini od 2.000,00KM koja je donesena za

mjere zaštite i spašavanja u toku djelovanja prirodne nesreće nije realizovana i stavlja se van snage.

< Projek čišćenja korita Japage je započet u prošloj godini i završit će se u 2024 godini kao i projekt

opremanja vatrogasne jedinice i projekt ugradnje nadzemnih hidranata će se realizovati u 2024 godini.

Za projekt čišćenja korita Japage od KUCZ smo dobilo 50.000,00KM,za projekat ugradnje nadzemne hidrantske mreže dobili smo 10.000,00KM i za projekat opremanja vatrogasne jedinice smo dobili 15.000,00KM,ali su pred sami kraj godine potpisani ugovori i projekti su prebačeni u 2024 godinu s tim da očekujemo da se izvrši uplata naznačenih sredstava i to 10.000,00KM za čišćenje korita Japage i 2.000,00KM za hidrantsku mrežu i 15.000,00KM za opremanje vatrogasne jedinice kako bi realizovali projekte i opravdali sredstva prema KUCZ.

Na posebnom računu zaštite i spašavanja sa 31.12.2023 godine nalazilo se ukupno 74.683,41 KM.

Zato predlažemo općinskom načelniku i općinskom štabu civilne zaštite da navedeni izvještaj o utrošku sredstava sa posebnog računa civilne zaštite usvoje i donešu zaključak o utrošku sredstava za posebne namjene.

Načelnik općine
dr.sc Mahmut Jukić
Broj: 05-40- 690-2 /24
Datum: 25.03.2024.godine

Na osnovu tačke II i tačke XIV. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Sl. Novine Federacije BiH „broj :04/12) Općinski štab civilne zaštite Bosanski Petrovac,na prijedlog službe za civilnu zaštitu i vatrogastvo, na svojoj sjednici održanoj dana .00.2024 godine ,donosi:

Z A K L J U Č A K **o utrošku sredstava posebne naknade za zaštitu i spašavanje općine Bosanski Petrovac**

Član 1.

Prihvata se izvještaj o utrošku sredstava sa posebnog računa za zaštitu i spašavanje za 2023 godinu u visini od 46.329,00 KM.

Član 3.

Ovaj zaključak stupa na snagu danom donošenja i ima se objaviti u „Službenom glasniku općine“ Bosanski Petrovac.

Broj:01-40- 691-1 /24
Datum:25.03.2024.godine
OPĆINSKI ŠTABCZ
Komandant
dr.sc. Mahmut Jukić

Na osnovu tačke V. i tačke XIII. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća(„Sl.novine Federacije BiH“, broj: 04/12),Služba za civilnu zaštitu i vatrogastvo, uz pribavljeni mišljenje Općinskog štaba civilne zaštite Općine Bosanski Petrovac, donosi:

PLAN

KORIŠTENJA SREDSTAVA POSEBNE NAKNADE ZA ZAŠТИTU I SPAŠAVANJE OD PRIRODNIH I DRUGIH NESREĆA U 2024 GODINI

U tački V. Stav 1. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća(„Sl. Novine Fedreacije BiH“, broj:04/12),(dalje:Odluka), stoji da se korištenje sredstava za zaštitu i spašavanje vrši na osnovu godišnjeg plana korištenja sredstava posebne naknade(u daljem tekstu:godišnji plan).

Pregled sredstava posebne naknade za zaštitu od prirodnih i drugih nesreća planiranih za potrošnju vidi se iz slijedeće tabele:

PRIHODI	IZNOS (KM)
Akumulirana sredstva(prilivranijih god.)	74.683,41KM
Tekućiprilivza 2024godinu	25.000,00KM
UKUPNO	99.683,41KM

U skladu sa zakonom otvoren je u okviru transakcijskog računa Jedinstvenog općinskog organa uprave Općine Bosanski Pterovac,posebna partija za uplatu prikupljenih sredstava posebne naknade za zaštitu i spašavanje, ostvarenih po osnovu uplata na ekonomski kod 722581-Posebna naknada na plaću za zaštitu od prirodnih i drugih nesreća i 722582-Posebna naknada na plaću za zaštitu od prirodnih i drugih nesreća po osnovu ugovora

no djelu i privremenih i povremenih poslova.Na posebnoj partiji računa akumuliraju se sredstva u 2024 godini budžetom Općine za 2024. godinu i planiran je priliv ukupno od 25.000,00 KM.

OBRAZLOŽENJE NAMJENE

U zakonu o zaštiti i spašavanju ljudi i materijalnih dobara od prirodnih i drugih nesreća(„Sl. novine FBiH“, broj:39/03, 22/06 i 43/10),(dalje:Zakon o zaštiti i spašavanju), u članu 181. stav 2. utvrđeno je da se u budžetu općine osiguravaju potrebna finansijska sredstva za financiranje obaveza općine u oblasti zaštite i spašavanja,a sredstva posebne naknade iz člana 180. Zakona o zaštiti i spašavanju koriste se isključivo za namjene iz člana 184.stav 1.tačka 2.do 7.i stav 2. ovog Zakona kojeg citiramo:

„Općina financira:

-pripremanje, opremanje i obuku općinskih štabova civilne zaštite,službi zaštite i spašavanja i jedinica civilne zaštite koje ustrojava općina i povjerenika civilne zaštite općine, kao i troškove koji nastanu tokom njihovog sudjelovanja u provedbi mjera zaštite i spašavanja na zapovijed općinskog štaba civilne zaštite;

-opremanje pravnih lica u djelu kada postavljene zadatke tim licima nadilaze njihove materijalne mogućnosti;

-nabavku i održavanje sistema za uzbunjivanje stanovništva;

-prilagođavanje i održavanje drugih zaštitnih objekata potrebama sklanjanja ljudi i materijalnih dobara;

-saniranje djela šteta nastalih prirodnom i drugom nesrećom, sukladno svojim materijalnim mogućnostima;

-druge potrebe zaštite i spašavanja,u skladu sa zakonom i drugim propisima.

Općina može dio sredstava iz člana 184. Stav 4. ovog Zakona koja pripadaju općini,izuzetno, kao interventnu mjeru,koristiti za financiranje

preventivnih mjera zaštite i spašavanja, pod uvjetom da dio sredstava za te namjene osigura u budžetu općine i ako su preventivne mjere utvrđene u programu razvoja i u planu zaštite i spašavanja općine, s tim da ta sredstva ne mogu biti veća od 20% sredstava koja se prikupe u toku budžetske godine“.

KONKRETIZACIJA RASPODJELE PRIKUPLJENIH FINANSIJSKIH SREDSTAVA

U 2024 godini planirano je ubiranje prihoda po osnovu ove naknade u iznosu od 25.000,00 KM, što sa prihodima iz ranijih godina čini izvor prihoda u iznosu od 99.683,41 KM, u skladu s kojim smo u 2024 godini planirali slijedeće rashode:

a)40% tekućeg priliva 2024 godine (od 25.000,00 KM) za financiranje hitnih mjera zaštite i spašavanja ugroženih ljudi i materijalnih dobara u toku djelovanja prirodne ili druge nesreće, pružanje pomoći za ublažavanje i otklanjanje direktnih posljedica i troškova komisije za procjenu šteta, što iznosi 10.000,00KM.

Veza, naprijed citirani član 184. stav 1. tačka 6.Zakona o zaštiti i spašavanju ljudi i materijalnih dobara i tačka VI.Odluke.

Sredstva za zaštitu i spašavanje iz tekućeg godišnjeg priliva mogu se koristiti pod uvjetom koji su utvrđeni u stavu 1.ove tačke, za slijedeće namjene:

-do 40% za namjene utvrđene u stavu 2.ove tačke, a predviđene u tački 6.stav1.član184.Zakona o zaštiti ispašavanju pod uvjetima iz stava 2.ove tačke,a stav 2.glasi:

„Sredstva za zaštitu ispašavanje mogu se ,izuzetno,koristiti za financiranje određenih hitnih mjera koje se moraju provoditi na spašavanju ugroženih ljudi, materijalnih dobara u toku djelovanja prirodne i druge nesreće,kao iz pružanje hitne pomoći na saniranju nastalih posljedica koje su neophodne za život ljudi na ugroženom području, pod uvjetom da nisu osigurana sredstva,odnosno da se neraspolaže sa drugim sredstvima koja bi se mogla koristiti

za te namjene.Za ove namjene može se koristiti najviše do 40% ovih sredstava prikupljenih tokom kalendarske godine“.

b) 20% sredstava tekućeg priliva 2024. godine (od 25.000,00 KM) za provođenje preventivnih mjera zaštite i spašavanja što iznosi 5.000,00 KM.

Veza,naprijed citirani član 184.tačka 2.Zakona o zaštiti i spašavanju i tačka VII.Odluke.

c) 30% tekućeg priliva 2024.godine(od 25.000,00 KM)za financiranje struktura civilne zaštite,što uključuje plaćanje poreza,carine i drugih dadžbina prilikom uvoza doniranih sredstava i opreme za potrebe opremanja struktura civilne zaštite i izgradnje skladišta u kojima će se čuvati oprema što iznosi 7.500,00 KM.

Veza, naprijed citirani član 184.stav 2.Zakona o zaštiti i spašavanju i tačka VIII.Odluke.

d) 10% tekućeg priliva 2024. godine (od 25.000,00 KM) što iznosi 2.500,00 KM koriste se za pripremanje,obuku,vježbe.

Veza,član 184.stav1.tačka2 i 7.Zakona o zaštiti i spašavanju i tačka IX i tačka X. Odluke.

Neutrošena sredstva posebne naknade iz predhodnih godina za namjene iz ove odluke krajem budžetske godine se ne gase, nego se prenose u narednu budžetsku godinu i njima se raspolaže u skladu sa odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća,(„Sl. novine Federacije BiH“,broj: 04/12).

REKAPITULACIJA PLANIRANOG UTROŠKA SREDSTAVA SA PARTIJE

NAZIV	Iz vekućeg prijava 2024.god.	Iz akumuliranih sredstava	UKUPNO
1)saniranje djela šteta nastalih prirodnim drugom nesrećom	10.000,00K M	14.936,68K M	24.936,68K M
2)preventivne mjer zaštite spašavanja	5.000,00K M	14.936,68K M	19.936,68K M
3)opremanj e struktura civilne zaštite(nabavka terenskog m/v sa tovarnim prostorom opremanje štaba motornim vozilom)	7.500,00K M CZ	37.341,71K M	44.841,71K M

Prikupljena,a neutrošena sredstva iz ranijih godina, zaključno sa 31.12.2023 godine u iznosu od 74.683,41KM planiraju se utrošiti u skladu sa odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća,(,,Službene novine Federacije BiH“broj:04/12) Šef službe za civilnu zaštitu Gutlić Rifet

U skladu sa članom 184.stav 4.Zakona o zaštiti i spašavanju ljudi i materijalnih dobara od prirodnih i drugih nesreća (Službene novine FBiH 39/03,22/06 i 43/10), tačke V.Odluke o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća te člana 29.Pravilnika o načinu rada i funkcioniranja štaba i povjerenika civilne

zaštite(Službene novine FBiH broj:77/06 i 5/07), na prijedlog službe za civilnu zaštitu i vatrogastvo općine Bosanski Petrovac, Općinski štab civilne zaštite na svojoj redovnoj sjednici održanoj dana: .03.2024 godine donosi:

ODLUKU
o usvajanju godišnjeg plana korištenja sredstava zaštite i spašavanja za 2024.godinu

I

Ovom Odlukom prihvata se i usvaja Plan korištenja sredstava posebne naknade za zaštitu i spašavanje u 2024.godini,Službe civilne zaštite i vatrogastva i da može vršiti utrošak sredstava u skladu s prijedlogom Plana korištenja sredstava posebne naknade za zaštitu ispašavanje u 2024.godini i sastavni je dio ove Odluke.

II

Služba civilne zaštite i vatrogastva će za svaku stavku predviđenih troškova u Planu iz tačke 1. ove Odluke izraditi i dostaviti odluku za pojedinačne namjene na usvajanje Štabu civilne zaštite.

III

Odluka stupa na snagu danom donošenja i objavit će se u Službenom glasniku općine Bosanski Petrovac.

Obradio:GutlićRifet

OPĆINSKI ŠTAB CIVILNE ZAŠTITE KOMADANT

dr.sc.Mahmut Jukić

Broj:01-40-691-2 /24

Bos.Petrovac: 25.03. 2024.godine

Na osnovu člana 184.stav 1. tačka 2. Zakona o zaštiti i spašavanju ljudi i materijalnih dobara od prirodnih i drugih nesreća (Sl. novine Federacije BiH broj:39/03, 22/06 i 43/10),a u vezi sa članom 29. Stav1 tačka1.Pravilnika o načinu rada i funkcionisanja štabova i povjerenika civilne zaštite (Službene novine F BiH broj:77/06 i 5/07) i Odluke o uslovima i načinu korištenja sredstava ostvarenih po osnovu posebne naknade za zaštitu i spašavanje od prirodnih i drugih nesreća (Sl. novine F BiH broj: 46/05,04/12 i 80/13) ,Općinski štab civilne zaštite općine Bosanski Petrovac na svojoj

redovnoj sjednici održanoj
donesi:

.03.2024.godine

BiH broj:39/03, 22/06 i 43/10), a u vezi sa članom 29. Stav1 tačka1. Pravilnika o načinu rada i funkcionisanja štabova i povjerenika civilne zaštite (Službene novine F BiH broj:77/06 i 5/07) i Odluke o uslovima i načinu korištenja sredstava ostvarenih po osnovu posebne naknade za zaštitu i spašavanje od prirodnih i drugih nesreća (Sl. novine F BiH broj: 46/05,04/12 i 80/13) ,Općinski štab civilne zaštite općine Bosanski Petrovac na svojoj redovnoj sjednici održanoj .03.2024.godine donesi:

O D L U K U o utrošku sredstava za kupovinu terenskog motornog vozila sa tovarnim prostorom

I

Ovom Odlukom odobrava se utrošak sredstava od akumuliranih sredstava od posebnih naknada za zaštitu i spašavanje od prirodnih i drugih nesreća u svrhu kupovine terenskog motornog vozila sa tovarnim prostorom za potrebe Općine Bosanski Petrovac putem financijskog lizinga,a iznos odobren za utrošak u 2024. godini je 12.329,00KM u svrhu opremanja Opštinskog štaba civilne zaštite općine Bosanski Petrovac.

II

Sredstva za kupovinu opreme iz člana 1. ove Odluke osigurana su na izdvojenom računu u budžetu općine Bosanski Petrovac broj:141-477-53200103-23 od akumuliranih sredstava od posebnih naknada za zaštitu i spašavanje od prirodnih i drugih nesreća.

III

O realizaciji ove odluke starat će se Služba za financije,budžet i računovodstvo kao i služba za Civilnu zaštitu i vatrogastvo.

IV

Ova Odluka stupa na snagu danom donošenja, a objavit će se u Službenom Glasniku općine Bosanski Petrovac.

Komandant općinskog štaba civilne zaštite
dr.sc Mahmut Jukić
Broj:01-40-691-4 /24
Datum: 25. 03 .2024. godine

Na osnovu člana 184.stav 1. tačka 2. Zakona o zaštiti i spašavanju ljudi i materijalnih dobara od prirodnih i drugih nesreća (Sl. novine Federacije

O D L U K U o utrošku sredstava za kupovinu terenskog motornog vozila sa tovarnim prostorom

I

Ovom Odlukom odobrava se utrošak sredstava od akumuliranih sredstava od posebnih naknada za zaštitu i spašavanje od prirodnih i drugih nesreća u svrhu kupovine terenskog motornog vozila sa tovarnim prostorom za potrebe Općine Bosanski Petrovac putem financijskog lizinga,a iznos odobren za utrošak u 2024. godini je 12.329,00KM u svrhu opremanja Opštinskog štaba civilne zaštite općine Bosanski Petrovac.

II

Sredstva za kupovinu opreme iz člana 1. ove Odluke osigurana su na izdvojenom računu u budžetu općine Bosanski Petrovac broj:141-477-53200103-23 od akumuliranih sredstava od posebnih naknada za zaštitu i spašavanje od prirodnih i drugih nesreća.

III

O realizaciji ove odluke starat će se Služba za financije,budžet i računovodstvo kao i služba za Civilnu zaštitu i vatrogastvo.

IV

Ova Odluka stupa na snagu danom donošenja, a objavit će se u Službenom Glasniku općine Bosanski Petrovac.
Načelnik općine

Dr.sc Mahmut Jukić
Broj:01-40-6914 /24
Datum: 25. 03 .2024. godine

Načelnik općine
Dr.sc Mahmut Jukić
Broj: 01-11-707-1/24
Datum: 26.03.2024. godine

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac-Prečišćeni tekst („Službeni glasnik općine Bosanski Petrovac“, broj: 7/08.) i na osnovu člana 27. Odluke o izvršenju budžeta za 2024. godinu („Službeni glasnik Općine Bosanski Petrovac“ broj: 3/24), Općinski načelnik donosi:

PROGRAM O UTROŠKU SREDSTAVA PREDVIĐENIH BUDŽETOM OPĆINE ZA 2024. GODINU

I

Ovim programom Općinski načelnik Općine Bosanski Petrovac sredstva predviđena u budžetu Općine za 2024. godinu na ekonomskom kodu 614324 (tekući transferi neprofitnim organizacijama), raspoređuje neprofitnim udruženjima građana i organizacijama koje nisu obuhvaćene budžetom Općine.

II

Sredstva iz stava I. ovog Programa raspoređuju se udruženjima, organizacijama koje organizuju manifestacije, kao i udruženjima i organizacijama koje obavljaju sportsko – rekreative, kulturne i poljoprivredne aktivnosti (na osnovu pojedinačnih zahtjeva, na osnovu čega se donosi pojednična odluka).

III

Planirana sredstva za ove namjene predviđena su budžetom Općine za 2024. godinu u iznosu od 5.000 KM.

IV

Ova Odluka stupa na snagu danom donošenja i ima objaviti u „Službenom glasniku“ Općine Bosanski Petrovac.

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac-Prečišćeni tekst („Službeni glasnik općine Bosanski Petrovac“, broj: 7/08.) i Budžeta općine Bosanski Petrovac za 2024. godinu, stavka – Tekući transferi neprofitnim organizacijama i na osnovu Programa utroška sredstava predviđenih budžetom Općine za 2024. godinu broj: 01-11-707-1/24 od 26.03.2024. godine, a u vezi sa zahtjevom za dodjelu sredstava Udruženju košarkaškog sporta „Mladost“ Bosanski Petrovac , Općinski načelnik donosi:

O D L U K U o isplati novčanih sredstava

I

Odobrava se isplata novčanih sredstava iz Budžeta općine Bosanski Petrovac za 2024. godinu u iznosu od od 1.000,00 KM (slovima: jednahiljada) KM Udruženju košarkaškog sporta „Mladost“ Bosanski Petrovac, u svrhu učešća košarkašica na turniru u košarci na federalnom nivou u Sarajevu.

II

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Tекуći transferi neprofitnim organizacijama“, ekonomski kod 614324 uplatom na račun broj: 1414775320011681 otvoren kod BBI banke.

III

Za provođenje ove Odluke nadležna je Služba za finansije, računovodstvo i budžet.

Korisnik će sredstva upotrijebiti na način definisan tačkom I ove Odluke i dostaviti izvještaj o utrošku sredstava ovom organu. (**do 31.03.2025. godine**)

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

O b r a z l o ž e n j e

Udruženje košarkaškog sporta „Mladost“ Bosanski Petrovac - se obratilo ovom organu zahtjevom za sufinasiranjem sredstava za učešće košarkašica ŽOK „Mladost“ Bosanski Petrovac, na turniru u Sarajevu od 28.03 do 31.03.2024. godine. Na osnovu svega navedenog, odlučeno je kao u dispozitivu Odluke.

Načelnik općine

Dr.sc Mahmut Jukić

Broj: 01-11-701-2/24

Datum: 26.03.2024. godine

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac Prečišćeni tekst („Službeni glasnik općine Bosanski Petrovac“, broj: 7/08.), Budžeta općine Bosanski Petrovac za 2024. godinu, stavka – Tekući transferi udruženjima-boračkim organizacijama („Službeni glasnik općine Bosanski Petrovac“, broj: 3/24), a u vezi sa zahtjevom za dodjelu sredstava predsjednika udruženja logoraša Bosanski Petrovac, Općinski načelnik donosi:

O D L U K U

o isplati novčanih sredstava

I

Odobrava se isplata novčanih sredstava iz Budžeta općine Bosanski Petrovac za 2024. godinu u iznosu od od 1.000,00 KM (slovima: jednahiljada) KM Udruženju logoraša općine Bosanski Petrovac.

II

Odobrena novčana sredstva iz tačke I ove Odluke isplatiti će se na teret Budžeta općine Bosanski Petrovac, stavka „Tekući transferi udruženjima-boračkim organizacijama“,

ekonomski kod 614324, uplatom na račun broj: 141-477-53200045-03, otvoren kod BBI banke.

III

Za provođenje ove Odluke nadležna je Služba za finansije, računovodstvo i budžet.

Korisnik će sredstva upotrijebiti na način definisan tačkom I ove Odluke i dostaviti izvještaj o utrošku sredstava ovom organu.

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

O b r a z l o ž e n j e

Predsjednik udruženja logoraša općine Bosanski Petrovac se obratio ovom organu zahtjevom za dodjelu novčanih sredstava u svrhu organizovanja zajedničkog iftara sa ostalim boračkim udruženjima koji će biti organizovan 01.04.2024. godine. Na osnovu svega navedenog, odlučeno je kao u dispozitivu Odluke.

Načelnik općine

Dr.sc Mahmut Jukić

Broj: 01-11-679-2/24

Datum: 26.03.2024. godine

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac („Službeni glasnik općine Bosanski Petrovac“, broj: 7/08 –prečišćen tekst) i Budžeta općine Bosanski Petrovac za 2024. godinu („Službeni glasnik Općine/Opštine Bosanski Petrovac“ 3/24), stavka – Transferi neprofitnim organizacijama - Crveni križ Bosanski Petrovac („Službeni glasnik općine Bosanski Petrovac“, broj: 3/24), a u vezi sa molbom za dodjelu sredstava „Crvenom križu Bosanski Petrovac, Općinski načelnik donosi:

O D L U K U

o izdvajanju novčanih sredstava

I

Odobrava se isplata novčanih sredstava iz Budžeta općine Bosanski Petrovac za 2024. godinu u iznosu od 755,00 KM (slovima: sedamstotinapadesetpet) KM „Crvenom križu“ Bosanski Petrovac.

II

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Transferi neprofitnim organizacijama – Crveni križ Bosanski Petrovac“, ekonomski kod 614311, uplatom na račun broj: 1994400020573406 otvoren kod Sparkase bank Ključ.

III

Za provođenje ove Odluke nadležna je Služba za finansijske, računovodstvo i budžet.

Korisnik će sredstva upotrijebiti na način definisan u obrazloženju ove Odluke i dostaviti izvještaj o utrošku sredstava ovom organu (**do 31.03.2025. godine**).

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

O b r a z l o ž e n j e

Crveni križ Bosanski Petrovac se obratio ovom organu za finansijsku pomoć u ime Neformalne grupe „Nada“ (Neformalna grupa za borbu protiv karcinoma dojke) u svrhu pomoći za realizaciju aktivnosti u mjesecu martu, sa mjeranjem krvnog pritiska i šećera u krvi, kao i podršku oboljelim ženama od karcinoma dojke koje su trenutno na liječenju i koje su operisane. Na osnovu svega navedenog, odlučeno je kao u dispozitivu Odluke.

Načelnik općine

Dr.sc Mahmut Jukić

Broj: 01-11-694-2/24

Datum: 27.03.2024. godine

S A D R Ž A J:

I AKTI OPŠTINSKOG VIJEĆA

1. Z A K L J U Č A K Usvaja se Program uređenja gradskog građevinskog zemljišta, uvažavajući amandman koji je na nastavku XXXV redovne sjednice, u okviru diskusije o „Programu uređenja gradskog građevinskog zemljišta“, iznio zamjenik Predsjedavajućeg gospodin Muhamed Dračić.¹
2. PROGRAM UREĐENJA GRAĐEVINSKOG ZEMLJIŠTA ZA 2024. GODINU.....1-7
3. Z A K L J U Č A K Informacija o stanju sigurnosti na području Općine/Opštine Bosanski Petrovac se prolongira za sljedeću sjednicu Općinskog/Opštinskog vijeća.....7
4. Z A K L J U Č A K Informacija direktorice JU „Centar za kulturu i obrazovanje“ Bosanski Petrovac se prima k znanju.....7-8
- 5 O D L U K U o visini osnove i boda za obračun plate uposlenima u JU „Centar za socijalni rad“ Bosanski Petrovac za 2024. Godinu.....8
6. Z A K L J U Č A K o davanju saglasnosti na Odluku Upravnog odbora JU „Centar za socijalni rad“ Bosanski Petrovac broj: 02/9-31-53-700/2024 od 12.03.2024. godine.....9
7. Z A K L J U Č A K o davanju saglasnosti na Odluku Upravnog odbora JU „Centar za socijalni rad“ Bosanski Petrovac broj: 02/9-31-53-701/2024 od 12.03.2024. godine.....9-10

3. Z A K L J U Č A K o utrošku sredstava posebne naknade za zaštitu i spašavanje općine Bosanski Petrovac.....11
4. PLAN KORIŠTENJA SREDSTAVA POSEBNE NAKNADE ZA ZAŠITU I SPAŠAVANJE OD PRIRODNIH I DRUGIH NESREĆA U 2024 GODINI.....11-12
5. ODLUKU o usvajanju godišnjeg plana korištenja s.r.sredstava zaštite i spašavanja za 2024.godinu.....13
6. O D L U K U o utrošku sredstava za kupovinu terenskog motornog vozilasa tovarnim prostorom.....13
7. O D L U K U o utrošku sredstava za kupovinu terenskog motornog vozilasa tovarnim prostorom.....14
8. PROGRAM O UTROŠKU SREDSTAVA PREDVIĐENIH BUDŽETOM OPĆINE ZA 2024. GODINU.....15
9. O D L U K U o isplati novčanih sredstava Odobrava se isplata novčanih sredstava iz Budžeta općine Bosanski Petrovac za 2024. godinu u iznosu od od 1.000,00 KM Udruženju košarkaškog sporta „Mladost“ Bosanski Petrovac.....16
10. O D L U K U o isplati novčanih sredstavaOdobrava se isplata novčanih sredstava iz Budžeta općine Bosanski Petrovac za 2024. godinu u iznosu od od 1.000,00 KM Udruženju logoraša općine Bosanski Petrovac.....16
11. O D L U K U o izdvajaju novčanih sredstavaOdobrava se isplata novčanih sredstava iz Budžeta općine Bosanski Petrovac za 2024. godinu u iznosu od 755,00 KM „Crvenom križu“ Bosanski Petrovac.17

II AKTA NAČELNIKA

1. Predmet: Izvještaj o utrošku sredstava posebne naknade za 2023 godinu za potrebe zaštite i spašavanja službe civilne zaštite i vatrogastva,.....10
2. Predmet: Izvještaj o utrošku sredstava posebne naknade za 2023 godinu za potrebe zaštite i spašavanja službe civilne zaštite i vatrogastva,.....9-10

Obrada:

Ivana Kuburić

Viši referent za administrativno tehničke poslove

